



Txais Kev Kho Mob COVID-19 Los Ntawm TELEHEALTH PROGRAM

Cov neeg hauv Minnesota uas kuaj pom tias muaj mob COVID-19 los yog muaj tsos mob thiab tau mus nyob ze lwm tus neeg uas mob COVID-19 txais tshuaj kho mob tau nrog lub txheej xwm ntsuam xyuas mob hauv xov tooj uas tsim tsa nrog Minnesota Lub Tuam Tsev Saib Xyuas Kev Noj Qab Haus Huv thiab Cue Health.

Yog koj muaj feem siab heev yuav mob hanyav los ntawm kab mob COVID-19, tej zaum cov tshuaj pab tiv thaiv tau kom koj tsis txhob mob hanyav thiab kom koj zoo sai. Tsis txhob tos: Cov tshuaj no yuav tsum pib siv tsis pub dhau tsib hnuv thaum koj xub muaj tsos mob, tab txawm cov tso mob sib sib xwb los xij.

Qhov kev pab no yog pub dawb xwb thiab qhib thaum sijhawm 7 teev sawv ntxov txog 9 teev tsaus ntuj (CST), xya hnuv hauv ib lim tiam.

Tej zaum yuav muaj kev them nyiaj (co-pay) me ntsis rau cov tshuaj kho mob COVID-19; tiam sis kuj muaj cov kev pab them nuj nqi thiab tib neeg feem coob txais tau cov tshuaj dawb xwb los yog tau tus nqi pheej yig. Nug koj tus kws kho mob lossis tus kws tshuaj seb koj puas muaj cai txais tau. .

Tsis tas muaj ntawv pov hwm kev kho mob rau kev tham ntsuam xyuas thiab txais tau kev saib xyuas sai thiab yooj yim.

Tsis tas muaj daim ntawv duab ID ntawm lub xeev.

Qhov kev pab cuam no siv tau tsis hais tias koj yuav kuaj mob nyob rau qhov twg kuj xij, koom nrog rau kev kuaj mob tom tsev thiab.

Txais kev kho mob nrog 3 kuj ruam yooj yim

Kauj ruam thib 1



Xaiv seb koj xav siv qhov website, siv lub app hauv xov tooj ntawm tes, lossis xav hu xov tooj sau npe.

Kauj ruam thib 2



Teb ob peb lo lus txog koj qhov kev noj qab nyob zoo thiab mus koom duab video tham txog cov kev kho mob nrog ib tug kws kho mob

Kauj ruam thib 3



Txais kev saib xyuas kom haum rau koj nrog kev txais cov tshuaj uas sau nrog kws xa rau koj lub tsev lossis mus nqa tom khw muag tshuaj, yog tias kws kho mob pom zoo rau koj siv tshuaj kho

Koj txais tau kev saib xyuas los ntawm ob peb txoj kev no:

- App hauv xov tooj: Rub (download) qhov Cue Health App los rau hauv koj lub xov tooj ntawm tes.
- Qhov website: Mus saib care.cuehealth.com/mn
- Xov tooj: Hu rau 1-844-609-2415
 - Yog xav txais kev pab txhais lus dua li ntawm lus Askiv, koom nrog kev piav tes (ASL), lus Hmoob, lus Somali, thiab lus Spanish, ces txais tau kev pab ntawm tus xov tooj (1-844-609-2415).



Siv tus QR Code los mus rub (download) Cue Health qhov App, lossis mus saib care.cuehealth.com/mn

Tas nrho peb txoj hauv kev pab no puav leej muab kev saib xyuas ib yam nkaus, yog li yeej meem xaiv qhov kev uas yooj yim tshaj plaws rau koj.

Yog koj muaj lus nug txog cov kev kho mob lossis kev txais cov twj kuaj mob pub dawb rau tom tsev, ces hu rau MDH tus xov tooj rau pej xeem ntawm 1-833-431-2053 hnuv Monday, Wednesday, Friday: 9 teev sawv ntxov txog 5 teev tsaus ntuj, thiab hnuv Tuesday, Thursday: 9 teev sawv ntxov txog 7 teev tsaus ntuj.

Yog koj muaj xwm txheej mob nkeeg ceev heev lossis tab tom muaj tsos mob hanyav heev xws li mob hauv siab, ces hu rau 911.